

**Կարինե ԱԼԵՔՍԱՆՅԱՆ,
Սեպոյ ՂԱԼԱԶՅԱՆ**

**ՏԵՂԱԿԱՆ ԻՇԽԱՆՈՒԹՅԱՆ ՍԱՐՄԻՆՆԵՐԻ
ԸՆՏՐՈՒԹՅՈՒՆՆԵՐՆ ԱԼԵՔՍԱՆԴՐԱՊՈԼԻ ԳԱՎԱՌՈՒՄ
(1919թ. մայիսի 4)**

1918թ. վերջերին, բոլոր երի հետանալուց հետո Հայաստանի իշխանությունը ձեռնամուխ են լինում բոլորական բռնազալքումից ազատված տարածքներում տեղական իշխանության մարմինների ձևավորմանը: Դեռևս 1918 թվականի նոյեմբերի 28-ին Ներքին գործերի նախարար Արամ Մանուկյանի կողմից Ալեքսանդրապոլի գավառային կոմիսար էր նշանակվել Արամ Նոհրատյանը, օգնական՝ Թալայանը:¹ Նշանակվել էին նաև գավառամասային կոմիսարներ:² Հունվարի 25-ից Ալեքսանդրապոլում Հայաստանի ներկայացուցչությունը դադարեցնում է իր գործունեությունը, իսկ փետրվարի 1-ից՝ վերացվում: Ավելի ուշ՝ 1919թ. մայիսի տեղի ունեցած ընտրությունները, որի արդյունքում կազմակորվեցին տեղական իշխանության մարմինները:

Ընտրությունների կազմակերպման գործում առանձնակի ակտիվություն է ցուցաբերում հատկապես դաշնակցություն կուսակցությունը: Դեռևս 1919թ. փետրվարի 25-ին Ալեքսանդրապոլի ՀՀԴ տեղական կոմիտեն դիմել էր Ալեքսանդրապոլի քաղաքային վարչությանը, առաջարկելով արագացնել Քաղաքային Դումայի ընտրությունները. «Մենք,- ասված է այդ գրության մեջ,- պնդում ենք, քանի որ ներկայ դրուման և վարչութիւնը ժողովրդի ընտրական քենով չէ որ բռնել են իրենց տեղերը և հետևապես այնտեղ չեն ներկայացնած միևնույն կուսակցութիւններն ու խմբակները, ուստի ներկայ վարչութիւնը իրաւունք չախտի ունենայ ընտրութեան գործն առանց միևնույն հոսանքների տանելու: Մենք առաջարկում ենք քաղաքային վարչութեան կից կազմել մի ընտրական միջկուսակցական յանձնաժողովը, որ դեկավարելու է ընտրութեան գործը, հակառակ դեպքում մենք այդ քանի անելը կը խնդրենք պատշաճաւոր վերին իշխանության»:³ Քաղաքային վարչությունը, որն առաջնորդվելով 1917 ապրիլի 15-ի քաղաքային ընտրությունների վերաբերյալ Անդրկովկասյան կառավարության ժամանակավոր օրենքով, 1919թ. փետրվարի 26-ին սկսել էր ցուցակագրել ընտրական իրավունք ունեցող քաղաքացիներին,⁴ պատասխանում է, որ համաձայն վերը նշված օրենքի, ընտրական ցուցակների կազմելու իրավունքը պատկանում է քաղաքային վարչությանը, որն արդեն ձեմարկել է դա:⁵

1919թ. փետրվարի 26-ին Ալեքսանդրապոլի քաղաքացիներին ուղղված հայտարարության մեջ Քաղաքային վարչությունը իրավիրում էր առանց սեռի, ազգի և դաշտանականի խստրության 20 տարին լրացած Ալեքսանդրապոլի բոլոր քաղաքացիներին ցուցակագրվել ընտրություններին մասնակցելու համար:⁶ Ցուցակները կազմելուց հետո մեկ այլ հայտարարությամբ վարչությունը առաջարկում է քաղաքացիներին ստուգել կազմած ցուցակները և ներկայացնել բողոքները, միաժամանակ ավելացնելով, որ իշխալ ժամանակամիջոցում դրանք չներկայացնողները զրկվում են ընտրության իրավունքից:⁷ Քաղաքային վարչությունը ցուցակագրությունը ավարտելու մասին տեղեկացնում է նաև Հայ հեղափոխական դաշնակցությանը, առաջարկելով նկատվող թերությունների մասին տեղեկացնել: Վերջինս ներկայացնում է չցուցակագրվածների ցանկը և խնդրում լրացնիչ ցուցակագրություն կատարել:⁸ Ընտրությունները նշանակվում են 1919թ. մայիսի 4-ին: Ընտրությանը մասնակցելու իրավունքը ունեցող քաղաքացիները սկսած ապրիլի 29-ից կարող են ստանալ իրենց

¹ Հայաստանի ազգային արխիվ (այսուհետև՝ ՀԱԱ), ֆ. 201, գ. 2, գ. 366, թ. 2:

² Նոյեմ տեղում, գ. 2, թ. 15:

³ ՀԱԱ, ֆ. 105, գ. 1, գ. 2799, թ. 9:

⁴ Նոյեմ տեղում, թ. 13:

⁵ Նոյեմ տեղում, թ. 12:

⁶ Նոյեմ տեղում, թ. 16:

⁷ Նոյեմ տեղում, թ. 47:

⁸ Նոյեմ տեղում, թ. 66:

ընտրողական քարտերը, տոմսերն ու ծրաբները ընտրական շրջանների համար որոշված շենքերից: Ալեքսանդրապոլ քաղաքում ստեղծվել էր ընտրական 10 հետևյալ շրջանները.

«1-ին շրջան - Սելիք Սարգսեանի տանը Խրիմեան դպրոցի մօտ-այս շրջանի մեջ մտնում է Թիֆլիսի խճուղու և Էսպլանատեան փողոցի մեջ ընկած տարածութիւնը մինչև քաղաքի արտաստեղիները:

2-րդ շրջան - Հաջիպապ Թնամեանի տանը-Բեկրութեան փողոց, այս շրջանի մեջ մտնում է Թիֆլիսի խճուղու և Էսպլանատեան փողոցի մեջ ընկած տարածութիւնը:

3-րդ շրջան - Քաղաքային Վարչութեան շենքում- այս շրջանը պարփակում է Էսպլանատեան և Պուշկինեան փողոցների, Թիֆլիսի խճուղու և Բոշաների հրապարակի մեջ ընկած տարածութիւնը մինչև Սահիտակ չայը:

4-րդ շրջան - Դոլռուչեանի տանը-Պալեվայա փողոցում, սահմաններն են Էսպլանատեան փողոց, Պուշկինեան, Թիֆլիսի խճուղի, Բոշաների հրապարակ և Փանահերեան փողոց մինչև երկարուղու զիծը:

5-րդ շրջան - Շողովրդական տանը-այս շրջանի սահմաններն են Պուշկինեան, Սապետրնայա և Փանահերեան փողոցները մինչև Սահիտակ չայ:

6-րդ շրջան - Խօջայեանի տանը (արհեստաորական դպրոց) Լորիս-Մելիքեան փողոց, շրջանի սահմաններն են Պուշկինեան, Սապետրնայա և Փանահերեան փողոցները մինչև երկարուղագիծը:

7-րդ շրջան - Տէր Ղազարեանի տանը. Մալո-պարողակայա փողոցի վրայ. սահմանները՝ Սապետրնայա և Փանահերեանի փողոցները մինչև բանջարանոցներն ու Կարանեանների զօրանցները:

8-րդ շրջան - Կալաշեանի տանը՝ Սապետրնայա և Պալեվայա փողոցների անկինում, սահմաններն են Սապետրնայա և Փանահերեան փողոցներն ու երկարուղագիծը մինչև քաղաքային բանջարանոցները:

9-րդ շրջան - Կայարանը և նրա շրջանը:

10-րդ շրջան - Բերդը իր շրջանով».⁹

Ընտրություններին նաևնակցում էին երեք իիմնական քաղաքական ուժեր: Սոցիալիստական կուսակցությունները հանդես էին գալիս ընդհանուր ցուցակով: Դեռևս 1919թ. մարտի 25-ի Ո.ՍԴ.ԲԿ Ալեքսանդրապոլի կազմակերպության ընդհանուր ժողովը քննելով Ալեքսանդրապոլի միջկուսակցական բյորոյի առաջարկը հանդես գալ միասնական բյորով, պատասխանում է, որ դա կլինի միայն այն դեպքում, եթե սոցիալիստական ուղղության բյորով կուսակցությունները ընդունեն «Խորհուրդների իշխանությունը»:¹⁰ 1919թ. ապրիլի 14-ին Ալեքսանդրապոլի սոցիալիստական բյորի կոմիտեն խնդրում է Երևանի Ո.ՍԴ.ԲԿ կոմիտեից ներկայացնելու ուղարկել նախընտրական պայքար մղելու համար:¹¹

Սոցիալիստական միության կողմից առաջարկված թեկնածուները՝ թվով 52 հոգի, ներկայացված էին առաջին ցուցակով: Ցուցակը գիշավերում էր քաղաքագույն Լևոն Սարգսյանը:¹² Սրանցից 13-ը Սոցիալիստ հեղափոխականներն էին,¹³ 13-ը՝ Անկախ սոցիալիստներ:¹⁴ Երկրորդ ցուցակով հանդես էին գալիս դաշնակցականները, որոնք ունեին 60 թեկնածու:¹⁵ Երրորդ ցուցակով հանդես էին գալիս ժողովրդականները:¹⁶ Նշված թեկնածուները Ալեքսանդրապոլի քաղաքագլխին ուղղված դիմումով պետք է տային իրենց գրավոր համաձայնությունը այս կամ այն ցուցակում ընդորվելու վերաբերյալ:

⁹ ՀԱԱ, Ֆ. 105, գ. 1, գ. 2799, թ. 75:

¹⁰ ՀԱԱ, ֆ. 1022 գ. 2, գ. 120, թ. 1:

¹¹ Նոյն տեղում, թ. 2:

¹² ՀԱԱ, ֆ. 105, գ. 1, գ. 2799, թ. 76:

¹³ Նոյն տեղում, թ. 79:

¹⁴ Նոյն տեղում, թ. 81:

¹⁵ Նոյն տեղում, թ. 82:

¹⁶ Նոյն տեղում, թ. 8:

Դաշնակցականները կարողանում են բացարձակ մեծամասնություն ապահովել նախ 1919թ. մայիսի 4-ի Ալեքսանդրապոլի Քաղաքային Դումայի, ապա հունիսի 21-23-ին տեղի ունեցած Հայաստանի պատլամենտի ընտրություններում:

Դաշնակցությանը հաջողվում է բացարձակ մեծամասնություն ստանալ տեղական ինքնակառավարման մարմինների ընտրություններում: Ընդհանուր վիճակը պատկերացնելու համար բավական է բերենք միայն մի տեղամասի ընտրությունների արդյունքները: Այսպես՝ 1-ին տեղամասում սոցիալիստ-հեղափոխականները ստացել են 19 ձայն, դաշնակցականները՝ 339, ժողովրդականները ընդամենը՝ 39:¹⁷

Երևանի Ծրջանային դատարանին ուղղված դիմումում մի խումբ քաղաքացիներ Ալեքսանդրապոլի քաղաքային Դումայի մայիսի 4-ի ընտրությունները համարում են կեղծ և առաջարկում նոր ընտրություններ անցկացնել: Նրանք դաշնակցությանը մեղադրում են իշխանականում նրա համար, որ քաղաքացիներին խարել է խոստանալով իշխանության գալուց հետո փոխառությել քուրքական օկուպացիայի ընթացքում կորցրածը: Ընտրությունները ճիշտ չի համարել նաև Ալեքսանդրապոլի քաղաքավումը՝ 1919 քվականի մայիսի 24-ին ՆԳՆ-ին ուղղված դիմումում:¹⁸ Նոյեմբերին ՀՀ Նախարարների խորհրդին ուղղված գրությունում նա գրում է, որ շնայած քազմարիվ բողոքներ են եղել մայիսի 4-ի ընտրությունների հետ կապված, որոնք տրված են Ծրջանային դատարան, սակայն այդ ընթացքում նախարար Յաղյանը և Մանայանը առաջարկել են նոր վարչությանը անցնել աշխատանքի: «Յարգելով քաղաքացիների բողոքարկելու իրավունքը և քարձր գնահատելով կարգուկանոնը հանրապետությունում, - ասվում է գրությունում, - ես չեմ կարող իրականացնել նախարարների պահանջը»:¹⁹

1919թ. հունիսի 1-ին Երևանի Ծրջանային դատարանը Պիգորենկոյի նախագահությամբ լսելով Ալեքսանդրապոլի բնակչության (Սնբատ Բաստրամջյան, Քազբատ Կորկոտյան, Ալ. Կորկոտյան և ուրիշներ) բողոքները և ուշադրություն դարձնելով այն հանգանակի վրա, որ չարաշահումները չեն հաստատվել՝ բողոքը համարել է չիմնավորված:

Շնայած քաղաքացիների՝ արդարադատության նախարարին ուղղված քազմարիվ բողոքներին, ընտրությունները համարվում են կայացած: Մայիսի 4-ի Քաղաքային Խորհրդի ընտրությունների արդյունքում վերակազմավորվում են տեղական ինքնակառավարման մարմինները: 1919 հունիսի 4-ին Ալեքսանդրապոլի խորհրդը գաղտնի քվեարկությամբ Խորհրդի նախագահ է ընտրում Բոլդայյանին, խորհրդի քարտուղար՝ Սկրտիչ Սիմոնյանին:²¹ Հունիսի 6-ին Խորհրդը գաղտնի քվեարկությամբ Վարչության անդամներ է ընտրվում Պարույր Գյոնջյանին (22 ձայն կողմ և մեկ դեմ) և Ալեքսանդր Մարգարյանին (22 կողմ, 2 դեմ): Սրանցից առաջինը օրենքի համաձայն ճանաչվում է քաղաքավունի պաշտոնակատարը:²² Հունիսի 6-ին Խորհրդը միաձայն որոշում է հետաձգել քաղաքավունի ընտրությունները, իսկ վարչության անդամներ ունենալ երեք հոգի:²³ Ավելի ուշ՝ 1919թ. հոկտեմբերի 3-ին վարչության երրորդ անդամ է ընտրում Մուշեղ Արիյանը:²⁴ 1920թ. ապրիլի 3-ի նիստում Քաղաքային խորհրդը որոշում է ունենալ վարչության չորրորդ անդամը, սակայն ընտրությունները հետաձգելով հետազոտին:²⁵ Հունիսի 10-ին Քաղաքային խորհրդը ստեղծում է հանձնաժողովներ, որոշում դրանց կազմն ու քանակը: Մասնակիրապես ստեղծվում են պարենավորման, ֆինանսա-բյուջենային, թշկա-սանհիտարական, ոստիկանության, պատլամենտական քաղաքային ընտրությունների, ժողովրդական տաճ հանձնաժողովներ: Խորհրդը միաձայն որոշում է հանձնաժողովի անդամներ նշանակել ա) պարենավորման՝ Հ. Չոլախյանին, Ս. Մանուկյանին, Մ. Տեր-Աքրա-

¹⁷ ՀԱԱ, ֆ. 105, գ. 1, գ. 2799, թ. 220:

¹⁸ Նոյեմբերին, գ. 2783, թ. 236:

¹⁹ Նոյեմբերին, թ. 245:

²⁰ Նոյեմբերին, թ. 260:

²¹ Նոյեմբերին, գ. 2807, թ. 1:

²² Նոյեմբերին, թ. 2:

²³ Նոյեմբերին, թ. 3:

²⁴ Նոյեմբերին, թ. 6:

²⁵ Նոյեմբերին, թ. 9:

համյանին, Հ. Սամվելյանին, Հ. Աղաբալյանին. բ) Ֆինանսա-բյուջետային՝ Կ. Քեշիշյանին, Գ. Խաչատրյանին, Տ. Տիրոսյանին, Ռ. Վանեցյանին, Հ. Աղաբարյանին. գ) Բժշկա-սահմանական՝ Բ. Բաղրամյանին, Մ. Պավիլյանին, Ե. Տեր Գևորգյանին, Գյանջենյանին, Փ. Տեր Հակոբյանին. դ) Միլիցիայի՝ Լոռեցյանին, Լ. Գեղդակյանին, Հ. Սարգսյանին, Ը. Շիրակունուն, Հ. Առաքելյանին. ե) պառլամենտական քաղաքային ընտրությունների՝ Մ. Տեր-Աքրահամյանին, Կ. Աղաբարյանին, Հ. Աղաբալյանին. զ) Ժողովրդական տաճ՝ Մ. Մանուկովյանին, Կ. Աղաբարյանին, Ը. Շիրակունուն, Հ. Գինոսյանին, Հ. Ղազարյանին:²⁶

Միայն սեպտեմբերի 23-ին Քաղաքային Խորհրդի կողմից քաղաքագույն է ընտրվում թժիշկ Հայկ Մելքոնյանը.²⁷

Այսպիսով 1919թ. մայիս 4-ին անցկացրած տեղական իշխանության մարմինների ընտրությունների արդյունքում իշխանությունն անցնում է դաշնակցական կուսակցությանը, ապահովելով վերջինիս հաղթանակը նաև 1919թ. հունիսին կայացած պաղումանենտական ընտրություններում: Հայոց պետականության պատմության մեջ լինելով առաջնորդ, այդ ընտրությունները, բնականաբար, զերծ չէին կարող լինել թերություններից, որի մասին վկայում են բազմաթիվ բողոքները: Սակայն հարկ է նշել, որ այս ընտրությունները շատ կարևոր էին մեր ժողովրդի քաղաքական հասունացման առումով:

ВЫБОРЫ ОРГАНОВ САМОУПРАВЛЕНИЯ В АЛЕКСАНДРОПОЛЬСКОМ УЕЗДЕ (4 мая 1919г.)

— Резюме —

— К. Александян, М. Калачян —

В конце 1918 года, после ухода турок, правительство Армении приступило к формированию местных органов власти. В результате выборов, проведенных в мае 1919 года, были реконструированы местные органы власти Александрополя. В выборах участвовали три основные политические силы: социал-демократы, дашнаки и народники. Несмотря на то, что социалисты были представлены общим списком, подавляющее большинство голосов получила партия Дашнакцутюн.

Эти выборы, будучи первыми в истории армянского государства, были не безупречными, о чем свидетельствуют многочисленные факты нарушений, упоминаемые в источниках. Но одновременно они были важным шагом на пути к политической зрелости и становлению государственности.

²⁶ ՀԱԱ, ֆ. 105, գ. 1, գ. 2807, թ. 5:

²⁷ Նոյն տեղում, թ. 7: